



ATASSUT

UPA2015/141-1

Siverth K. Heilmann

04.05.2015.

Nunat Avannarliit Killiit Siunnersuisoqatigiiffiata kaammattuutitut aalajangersagaata Inatsisartunit ilalernerqarneranik Inatsisartut aalajangiiffigisassaattut siunnersuut: Nunat Avannarliit Killiit Siunnersuisoqatigiiffiata Savalimmiuni naalakkersuisut, Kalaallit Nunaanni Naalakkersuisut Islandimilu naalakkersuisut kaammattorpaat Nunat Avannarliit Killiit Siunnersuisoqatigiiffianut qinikkatut ilaasortat, Siunnersuisoqatigiiffimmut nalunaarutit tunngavigalugit, allatigulluunniit isumaqarfigisaminnik nunat avannarliit killiit suleqatigiinnerisut tunngasunik, nunat ilasortaasut naalakkersuisuinut apeqquteqarsinnaaleqqullugit. Apeqqutit Nunat Avannarliit Killiit Siunnersuisoqatigiiffiata allattoqarfianut nassiunneqartassapput, tassanngaanniillu naalakkersuisunut pineqartunut ingerlateqqinneqarlutik. Naalakkersuisut pisussaapput ilaasortamit apeqqutigineqartumut, kingusinnerpaamik apeqquteqarfigineqartup apeqqummik tigusineraniit sapaatit akunnerini arfineq-pingasut qaangiutsinnagit, akissuteqarnissamut.

(Aallartitat siulittaasuat Lars-Emil Johansen)

ATASSUT-miit qulaani qulequttamut takisuumut atuarneqareersumullu imatut naatsumik oqaaseqassaagut.

Politikkikkut sulinermi, Nunat Avannarliit Killiit Siunnersuisoqatigiiffiat aqputigalugu suleqatigiissutigisartakkagut, sulilu nutaanik ilaartorlugit suleqatigiissutigineqarsinnaasunik naleqqussartuarnerput ingerlajuarpoq pissusissamisoorlunilu. ATASSUT-miit ilisimavarput, siunnersuisooqatigiinniit siunnerfiit tamatigut iluatsittanngitsut, ilaatigummi nunat pingasut akornanni tamakkiisumik tunuliaqutsiisoqarsimatinnagu, siunnersuutit maangaannartorsinnaasarmata.

Taamaattumik ATASSUT-miit isumaqataalluinnarpugut, ilaasortat qinikkallu akunnerminni naalakkersuisuminnut, suliat inaarutaasumik isummerfigineqannginnerini paasissutaasinnaasunik apeqquteqaateqartarnissaminnut eqaatsumik aqputissiuunneqarnissaannut periarfissiisariaqartugut



ATASSUT INATSISARTUNI

ilanngullugu apeqquteqarfigineqartup apeqquummik tigusineraniit sapaatit akunnerini arfineq-pingasut qaangiutsinnagit akissuteqareertoqartarnissaanut ATASSUT-miit isumaqataavugut.

Siunnersuummut Naalackersuisut tapersiinerat paassutissiinerallu ATASSUT-miit tigulluarparput taamatullu oqaaseqarluta aalajangiiffigisassatut siunnersuummut akuersaarnerput naqissuserparput.